



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2021 оны 03 сарын 15 өдөр

Дугаар 8/103

Алтай хот

Орон нутгийн зөвлөл байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Хөдөлмөрийн аюулгүй байдал, эрүүл ахуйн тухай хуулийн 25 дугаар зүйлийн 25.1.7 дахь заалтыг тус тус үндэслэн **ЗАХИРАМЖЛАХ** нь:

1.Хөдөлмөрийн аюулгүй байдал, эрүүл ахуйн хууль тогтоомжийн хэрэгжилтийг хангуулах, үйлдвэрлэлийн осол мэргэжлээс шалтгаалсан өвчнөөс урьдчилан сэргийлэх, үйл ажиллагаанд дэмжлэг үзүүлэх, хамтран ажиллах чиг үүрэг бүхий Хөдөлмөрийн аюулгүй байдал, эрүүл ахуйн орон нутгийн зөвлөлийг дараах бүрэлдэхүүнтэй байгуулсугай.

Зөвлөлийн дарга: -аймгийн эдийн засаг, дэд бүтцийн хөгжлийн бодлого эрхэлсэн Засаг даргын орлогч

Гишүүн: -Засаг даргын Тамгын газрын Нийгмийн бодлогын хэлтсийн хүн ам зүй, хөдөлмөр эрхлэлт, нийгмийн хамгааллын бодлого, төрийн бус байгууллага хариуцсан ахлах мэргэжилтэн

-Мэргэжлийн хяналтын газрын хөдөлмөрийн аюулгүй байдал хариуцсан хяналтын улсын байцаагч

-Мэргэжлийн хяналтын газрын хөдөлмөрийн эрүүл ахуйн хяналтын улсын байцаагч

-Мэргэжлийн сургалт үйлдвэрлэлийн төвийн хөдөлмөрийн аюулгүй байдал, эрүүл ахуй хариуцсан мэргэжилтэн

-Үйлдвэрчний эвлэлийн хорооны дарга (зөвшилцсөнөөр)

-Хөрөнгө оруулалт, хөгжлийн бодлого төлөвлөлтийн хэлтсийн дэд бүтэц хариуцсан мэргэжилтэн

-Нийгмийн даатгалын хэлтсийн магадлагч эмч

2.

-Онцгой байдлын газрын гал түймрийн улсын хяналтын байцаагч

Нарийн бичгийн дарга:-Хөдөлмөр, халамжийн үйлчилгээний газрын хөдөлмөрийн аюулгүй байдал, эрүүл ахуй хариуцсан мэргэжилтэн

2.Хөдөлмөрийн аюулгүй байдал, эрүүл ахуйн тухай хууль тогтоомжийг хэрэгжүүлэх үйл ажиллагаанд хяналт тавьж, дэмжлэг үзүүлэн ажиллаж, ажлын үр дүнг хагас, бүтэн жилээр Засаг даргын зөвлөлд танилцуулж ажиллахыг зөвлөлд даалгасугай.

3.Энэхүү захирамж гарсантай холбогдуулан 2017 оны А/86 дугаар захирамжийг хүчингүй болсонд тооцсугай.

